



14  
1544  
127



14  
1544  
127

全五代詩卷二十五

羅江李調元雨村 編

南唐

李建勳

建勳字致堯隴西人少好學能屬文尤工詩南  
唐主李昇鎮金陵用為副使預禪代之策拜中  
書侍郎同平章事昇元五年放還私第嗣主璟  
召拜司空尋以司徒致仕賜號鍾山公集二十

卷馬書本稱建勳以司徒致仕賜號鍾山公先是宋齊邱退居青陽

號九華先生未幾一徵而起時論譁之建勳因為詩以見志曰桃

花流水須相信不學劉郎去又逢建勳惟恐其為詩清淡平易見稱

于時向為近華為建勳出師關中建勳名聲益著建勳詩

南唐

14  
1544  
127

全五代詩卷二十五

羅江李調元雨村 編

南唐

李建勳

建勳字致堯隴西人少好學能屬文尤工詩南  
唐主李昇鎮金陵用為副使預禪代之策拜中  
書侍郎同平章事昇元五年放還私第嗣主璟  
召拜司空尋以司徒致仕賜號鍾山公集二十

卷馬書本傳建勳以司徒致仕賜號鍾山公先是宋齊印退居青陽  
號九華先生未幾一徵而起時論薄之建勳因為詩以見志曰桃  
花流水須相信不學劉郎去又來建勳博覽經史其為詩清淡平易見稱  
于時南唐近事馮延魯出師閩中催督軍糧急如星火李建勳寄詩

全五代詩

卷二十五

南唐

一

云粟多未必為全計師老酒防有伏兵既而果為越人所敗及歸還司  
空累表乞致政自稱鍾山公詔授司徒不起學士湯悅致狀賀之建勳  
以詩答曰空徒猶不作爭敢作司徒幸有山公號如何不見呼又建勳  
鎮臨川日九江帥周宗以書來訴以赴鎮日近器用儀注或闕欲擬臨  
川者李冠醉批一絕句云偶罷阿衡來與郡固無間物可應官馮君為  
報周公道莫作尋常刺史看 青瑣集建勳年八十謁宋齊邱于洪州  
題信果觀壁云春來流水漲而活曉起西山勢似行玉洞主人經劫在  
携竿步步就長生歸高安無病而卒 南唐書方術傳李善吹中管  
當座吹噓聲韻悠揚清入霄漢元宗聞其名未獲召見李建勳以詩送  
之曰勻如春澗長流水怨似秋枝欲斷蟬可惜人間容易聽清聲不到  
御樓前 詩話總龜建勳鎮臨川賞牡丹有小吏捧硯舉止有士人風  
公曰學詩乎對曰應規筆硯因令口占一篇有云三月能辭千日醉一  
生能得幾回看公奇之勉令就學因成詩名 全唐詩建勳有栢梁隔  
句韻詩云 不喜長亭柳枝枝擬送君惟憐北窗下樹樹解留人圓缺  
都如月東西只似雲愁看離席散歸蓋動行塵 又有送八分書與友  
人繼以詩云 肥瘦為詩肥瘦書不封將去寄仙都仙翁拍手應相笑得  
似秦朝次仲無 吟意錄建勳有留別鍾  
山句云偏尋雲壑重題石欲下山門更倚松

迎神曲

搗蠻鼉吟塞笛女巫結束分行立空中再拜神且來滿  
奠椒漿齊獻揖陰風窸窣吹紙錢妖巫瞑目傳神言與  
君降福為豐年莫教賽祀虧常筵

惜花寄孫員外

朝始一枝開暮復一枝落只恐雨淋漓又見春蕭索侵  
晨結駟攜酒徒尋芳踏盡長安衢思量少壯不自樂他  
日白頭空歎吁

白雁

東溪一白雁毛羽何皎潔薄暮浴清波斜陽共明滅差  
池失群久幽獨依人切旅食賴菰蒲單棲怯霜雪邊風

昨夜起顧影空哀咽不及牆上烏相將繞雙闕

感故府二首

戚戚復戚戚期懷安可釋百年金石心中路生死隔新  
墳應草合舊地空苔色白日燈熒熒凝塵滿几席  
悒悒復悒悒思君安可及永日在堦前披衣隨風立高  
樓暮角斷遠樹寒鴉集惆悵幾行書遺蹤墨猶濕

春陰

老雨不肯休東風勢還作未放草蒙茸已遣花蕭索浮  
生何苦勞觸事妨行樂寄語蓬生人須知酒勝藥

細雨遙懷故人

江雲未散東風暖溟濛正在高樓見細柳緣堤少過人  
平蕪隔水時飛燕我有近詩誰與和憶君狂醉愁難破  
昨夜南窗不得眠開堦點滴迴燈坐

中酒寄劉行軍

甚矣頻頻醉神昏體亦虛肺傷徒問藥髮落不盈梳戀  
寢嫌明室脩生媿道書西峯老僧語相勸合何如

早春寄懷

家山歸未得又是看春過老覺光陰速閑悲世路多風  
和吹岸柳雪盡見庭莎欲向東溪醉狂眠一放歌

春日東山草堂作

身閑贏得出天氣漸喧和蜀馬登山穩南朝古寺多早  
花微弄色新酒欲生波從此唯行樂閑愁奈我何

春日小園晨看蕙招同舍

最有杏花繁枝枝若手搏須知一春促莫厭百迴看鳥  
嘯風潛息蜂遲露未乾可容排飲否蕙折贈頭冠

春日病中

纔得歸閑去還教病臥頻無由全勝意終是負青春綠  
柳漸拂地黃鶯如喚人方為醫者勸斷酒已經旬

毆妓

自為專房甚忽忽有所傷當時心已悔徹夜手猶香恨

枕堆雲髻啼襟搵月黃起來猶忍惡剪破繡鴛鴦

踏青樽前

期君速行樂不要旋還家永日雖無雨東風自落花詩  
毫黏酒淡歌袖向人斜薄暮忘歸路垂楊噪亂鴉

正月晦日

莫倦尋春去都無百日游更堪正月過已是一分休泉  
暖聲纔出雲寒勢未收晚來重作雪翻為杏花愁

惜花

白髮今如此紅芳莫更催預愁多日謝翻怕十分開點  
滴無時雨荒涼滿地苔閑塔一椀酒惟待人來

金谷園落花

愁見清明後紛紛蓋地紅惜看難過日自落不因風蝶  
散餘香在鶯啼半樹空堪悲一尊酒從此似西東

柳花寄宋明府

每愛江城裏青春向盡時一迴新雨歇是處好風吹破  
石黏蟲網高樓撲酒旗遙知陶令宅五樹正離披

送人

相見未逾月堪悲遠別離非君誰顧我萬里又南之雨  
逼清明日花陰杜宇時愁看挂帆處鷗鳥共遲遲

閑游

攜酒復攜觴朝朝一似忙馬語頻到路僧借舊眠床道  
勝他圖薄身閑白日長扁舟動歸思高處見滄浪

送喻鍊師歸茅山

休糧知幾載臉色似桃紅半醉離城去單衣行雪中水  
聲茅洞曉雲影石房空莫學秦時客音書便不通

春日金谷園

火急召親賓歡遊莫厭頻日長徒似歲花過即非春晚  
雨來何定東風自不勻須知三箇月不是負芳晨

夏日酬祥松二公見訪

多謝空門客時時出草堂從容非有約淡薄不相忘池

映春篁老簷垂夏果香西峯正清霽自與拂吟床

懷贈操禪師

嘗憶曹溪子龕居面碧嵩杉松新夏後雨雹夜禪中道  
匪因經悟心能向物空秋來得音信又在剡山東

閑居秋思呈祥松二公

秋光雖即好客思轉悠哉去國身將老流年雁又來葉  
紅堆晚徑菊冷藉空壘不得師相訪難將道自開

賦得冬日青溪草堂

莫道無幽致常來到日西地雖當北闕天與設東溪疎  
葦寒多折鷺晷去不孤坐中皆作者長愛覓分題

溪齋

水木遶吾廬寒簾晚檻虛衰條寒露鵲幽果落鷺魚爰  
酒貧還甚趨時老更疎垂慵自有素不是忽簪裾

小園

小園吾所好栽植忘勞形晚果經秋赤寒蔬近社青竹  
蘿荒引蔓土井淺生萍更欲從人勸憑高置草亭

宿山房

石窗燈欲盡松檻月還明就枕渾無睡披衣却出行巖  
高泉亂滴林動鳥時驚倏忽山鐘曙喧喧僕馬聲

金陵所居青溪草堂閑興



窗外皆連水杉松欲作林自憐趨競地獨有愛閑心素  
壁題看遍危冠醉不簪江僧暮相訪簾卷見秋岑

寄魏郎中

碌碌但隨群蒿蘭任不分未嘗矜有道求遇向吾君逸  
駕秋尋寺長歌醉望雲高齋紙屏古塵暗北山文

病中書懷寄王二十六

落葉滿山州閑眠病未瘳窗陰連竹枕藥氣染茶甌路  
匪人遮去官須自覓休焉宜更羸老扶杖作公侯

採菊

簇簇竟相鮮一枝開幾番味甘資麴蘖香好勝蘭蓀古

道風搖遠荒籬露壓繁盈筐時採得服餌近知門

孤雁

欲食不敢食合栖猶未栖聞風亦驚過避繳恨飛低水  
濶緣湘因雲寒過磧迷悲鳴感人意不見夜烏啼

贈送致仕郎中

鶴立瘦稜稜髭長白似銀衣冠皆古製氣貌異常人聽  
雪添詩思看山滯酒巡西峯重歸路唯許野僧親

宿友人山居寄司徒相公

雨雪正霏霏令人不憶歸地爐僧坐暖山枿火聲肥隔  
紙烘茶藥移鐙剝芋衣知君在霄漢此興得還稀

鄴客相尋夜荒庭雪灑蒿虛堂看向曙吟坐共忘勞溪  
凍聲全減燈寒焰不高他人莫相笑未易會吾曹

田家三

畢歲知無事兵銷復舊丁竹門桑徑狹春日稻畦青犬  
吠隈籬落雞飛上確程歸田起思蛙叫草冥冥  
不識城中路熙熙樂有年木檠擊社酒瓦鼓送神錢霜  
落牛歸屋禾收雀滿田遥陂過秋水閑閣釣魚船  
長愛田家事時時款一過垣籬皆樹槿廳院亦堆禾病  
果因風落寒蔬向日多遥聞數聲笛牛晚下前坡

新竹

嫋嫋薰風軟娟娟湛露光參差仙子仗迤邐羽林槍迴  
去侵花地斜來破蘚牆籜乾猶抱翠粉膩若塗裝逕曲  
莖難數陰疎葉未長嬾嫌吟客倚甘畏夏蟲傷映水如  
爭立當軒自著行北亭尊酒興還為此君狂

歸燕詞

羽翼勢雖微雲霄亦可期飛翻自有路鴻鵠莫相嗤待  
侶臨書幌尋泥傍藻池衝人穿柳徑捕蝶遶花枝廣廈  
來應徧深宮去不疑雕梁聲上下烟浦影參差舊地人  
潛換新巢雀謾窺雙雙暮歸處疎雨滿江湄

題魏壇二首

全宋詩

南唐八

不遇至真傳道要曾看真誥亦何為舊碑經亂沈荒澗  
靈篆因耕出故基蛙黽自喧澆藥井牛羊閑過放生池  
蕭條夕景空壇畔朽檜枝斜綠蔓垂  
一尋遺跡到仙鄉雲鶴沈沈思渺茫丹井歲深生草木  
芝田春廢臥牛羊雨淋殘畫摧荒壁鼠引飢蛇落壞梁  
薄暮欲歸仍佇立菖蒲風起水泱泱

東樓看雪

一上高樓醉復醒日西江雪更冥冥化風吹火全無氣  
平望惟松別露青臘內不妨南地少夜長應得小窗聽  
因思舊隱匡廬日閑看杉檉掩石扃

落花

惜花無計又花殘獨遠芳叢不忍看暖艷動隨鶯翅落  
冷香愁雜燕泥乾綠珠倚檻魂初散巫峽歸雲夢又闌  
忍把一尊重命樂送春招客亦何歡

春雪

南國春寒朔氣迴霏霏還阻百花開全移暖律何方去  
似誤新鶯昨日來平野旋銷難蔽草遠林高綴却遮梅  
不知金勒誰家子只待晴明賞帝臺

重戲和春雪寄沈員外

誰道江南要雪難半春猶得倚樓看却遮遲日偷鶯暖

金瓶梅詞話 卷三十五  
密灑西風借鶴寒散漫不容梨豔去輕明應笑玉華乾  
和來瓊什雖無敵且是儂家比與殘

春日尊前示從事

州中案牘魚鱗密界上軍書竹節稠眼底好花渾似雪  
甕頭春酒漫如油東君不為留遲日清鏡唯知促白頭  
最覺此春無氣味不如庭草解忘憂

尊前

官為將相復何求世路多端早合休漸老更知春可惜  
正歡唯怕客難留雨催草色還依舊晴放花枝始自由  
莫厭百壺相勸倒免教無事結閑愁

薔薇二首

萬藥爭開照檻光詩家何物可相方錦江風撼雲霞碎  
仙子衣飄黼黻香衰露早英濃壓架背人狂蔓暗穿墻  
綵牋蠻榼旬休日欲召親賓看一場  
拂簷拖地對前墀蝶影蜂聲爛熳時萬倍馨香勝玉藥  
一生顏色笑西施忘歸醉客臨高架時寵佳人索好枝  
將並舞腰誰得及惹衣傷手盡從伊

殘牡丹

腸斷題詩如執別芳茵愁更繞闌鋪風飄金藥看全落  
露滴檀英又暫蘇失意婕妤妝漸薄背身妃子病難扶

迴看池館春休也又是迢迢看畫圖

春雨二首

春霖未免妨遊賞唯到詩家自有情  
花徑不通新草合蘭舟初動曲池平  
淨綠高樹莓苔色飢集虛廊燕雀聲  
閑憶昔年為客處悶留山館阻行行

蕭蕭春雨密還疎景象三時固不如  
寒入遠林鶯翅重暖抽新麥土膏虛  
細濛臺榭微蕙日潛漲漣漪欲動魚  
唯稱垂慵多睡者掩門中酒覽閑書

醉中惜花更書與諸從事

公退尋芳已是遲莫因他事更來稀  
未經旬日唯憂落

莫有開時不合歸歌檻宴餘風裊裊  
閑園吟散雨霏霏高樓鼓絕重門閉  
長為拋迴恨解衣

和判官喜雨

去禱山川尚未還雲雷尋作遠聲寒  
人情便似秋登悅天色休勞夜起看  
高檻氣濃藏柳郭小庭流擁沒花壇  
須知太守重牆內心極農夫望處歡

離闕下日感恩

二年塵冒處中台喜得南歸退不才  
即路敢期皇子送出關猶有御書來  
未知天地恩何報翻對江山思莫開  
斜日葦汀凝立處遠波微颺翠如苔

春水

萬派爭流雨過時  
晚來春靜更逶迤  
輕鷗散遶夫差國  
遠樹微分夏禹祠  
青岸漸平濡柳帶  
舊溪應暖負尊絲  
風鬟倚檝誰家子  
愁看鴛鴦望所之

蝶

粉蝶翩翩若有期  
南園長是到春歸  
閑依柳帶參差起  
困傍桃花獨自飛  
潛被燕驚還散亂  
偶因人逐入簾幃  
晚來欲雨東風急  
迴看池塘影漸稀

中春寫懷寄沈彬員外

省從騎竹學謳吟  
便帶光陰役此心  
寓目不能閑一日

閉門長勝得千金  
窗懸夜雨殘燈在  
庭掩春風落絮深  
唯有故人同此興  
近來何事嬾相尋

鍾山寺避暑

樓臺雖少景何深  
滿地青苔勝布金  
松影晚留僧共坐  
水聲閑與客同尋  
清涼會擬歸蓮社  
沈酒終須棄竹林  
長愛寄吟經案上  
石窗秋霽向千岑

道林寺

雖向鍾峯數寺連  
就中竒勝出其間  
不教幽樹妨閑地  
別著高窗向遠山  
蓮沼水從雙澗入  
客堂僧自九華還  
無因得結香燈社  
空向王門玷玉班

和致仕沈郎中

欲謀休退尚因循且向東溪種白蘋  
謬應星辰居四輔終期冠褐作閑人  
城中隔日趨朝纈楚外千峯入夢頻  
殘照晚庭沈醉醒靜吟斜倚老松身

閑出書懷

閑遊何用問東西寓興皆非有所期  
斷酒只攜僧共去看山從聽馬行遲  
溪田雨漲禾生耳原野鶯啼黍熟時  
應有交親長笑我獨輕人事鬢將衰

寺居陸處士相訪感懷却寄二三友人

湘寺閑居亦半年就中昨夜好潛然  
人歸遠岫疎鐘後

雪打高杉古屋前投足正逢他國亂  
冥心未解祖師禪  
爐烟向冷孤燈下唯有寒吟到曙天

春雪

隨風竟日勢漫漫特地繁於故歲看  
幽榭凍黏花屋重  
短簷斜濕燕巢寒閑聽不寐詩魂爽  
淨喫無厭酒肺乾  
莫道便為桑麥藥亦勝焦涸到春殘

惜花

淡淡西園日又垂一尊何忍負芳枝  
莫言風雨長相促  
直是清明得幾時心破只愁鶯踐落  
眼穿唯怕客來遲  
年年使我成狂叟腸斷紅牋幾首詩

登昇元閣

登高始覺太虛寬  
白雪須知唱和難  
雲波瑣窗金榜濕  
月移珠箔水精寒  
九天星象簾前見  
六代城池直下觀  
唯有上層人未到  
金烏飛過拂闌干

宮詞

自遠凝旒守上陽  
舞衣頓減舊朝香  
簾垂粉閣春將盡  
門掩梨花日漸長  
草色深濃封輦路  
水聲低咽轉官牆  
君王一去不迴駕  
皓齒青蛾空斷腸

晚春送牡丹

攜觴邀客遶朱闌  
腸斷殘春送牡丹  
風雨數來留不得

離披將謝忍重看  
氛氳蘭麝香初減  
零落雲霞色漸乾  
借問少年能幾許  
不須推酒厭杯盤

歲暮晚泊望廬山不見因懷岳僧呈察判

貧程只為看廬阜  
及到停舟恨頗濃  
雲暗半空藏萬仞  
雪迷雙瀑在中峯  
林端莫辨曾遊路  
鳥際微聞向暮鐘  
長愧昔年招我入  
共尋香社見芙蓉

重臺蓮

斜倚秋風絕比倫  
千英和露染難勻  
自為祥瑞生南國  
誰把丹青寄北人  
明月幾宵同綠水  
牡丹無路出紅塵  
憐伊不算多時立  
贏得馨香暗上身



和元宗元日大雪登樓

紛紛忽降當元會  
著物輕明似月華  
狂灑玉墀初散絮  
密黏宮樹未妨花  
迴封雙闕千尋峭  
冷壓南山萬仞斜  
寧意傳來中使出  
御題先賜老僧家

遊棲霞寺

養花天氣近平分  
瘦馬來敲白下門  
曉色未開山意遠  
春容猶淡月華昏  
琅琊冷落存遺跡  
籬舍稀疎帶舊村  
此地幾經人聚散  
只今王謝獨名存

春詞

日高閑步下堂階  
細草春莎沒繡鞋  
折得玫瑰花一朵

憑君簪向鳳皇釵

竹

瓊節高吹宿鳳枝  
風流交我立忘歸  
最憐瑟瑟斜陽下  
花影相如滿客衣

清明日

他皆携酒尋芳處  
我獨闔門好靜眠  
唯有揚花似相覓  
因風時復到牀前

宮詞

宮門長閉舞衣閑  
略識君王鬢便斑  
却羨落花春不管  
御溝流得到人間

獨夜作

佳人一去無消息夢覺香殘愁復入空庭悄悄月如霜  
獨倚闌干伴花立

補遺

贈趙學士

常欽趙夫子遠作五侯賓見面到今日操心如古人醉  
同華席少吟訪野僧頻寂寂長河畔荒齋與廟鄰

留題愛敬寺

野性竟未改何以居朝廷空為百官首但愛千峰青南  
風新雨後與客携觴行斜陽惜歸去萬壑啼鳥聲

關下偶書寄孫員外

長安驅馳地貴賤共悠悠白日誰相促勞生自不休鳳  
翔雙闕曉蟬噪六街秋獨有南宮客時來話釣舟

送王郎中之官吉水

南望廬陵郡山連五嶺長吾君憐遠俗從事輟名郎移  
戶多無土春蠶不滿筐惟應勞贊畫溪峒話彊梁

醉中詠梅花

十月清霜尚未寒雪英重重疊已如搏還悲獨詠東園裏  
老作南州刺史看北客見皆驚節氣郡僚凝欲望盃盤  
交親罕至長安遠一醉如泥豈自歡

梅花寄所親

一氣才新物未知每慙青律與先吹  
雪霜迷素猶嫌早  
桃杏雖紅且後時  
雲鬢自粘飄處粉  
玉鞭誰指出牆枝  
老夫多病無風味  
只向樽前詠舊詩

雪有作

霏霏奕奕滿寒空  
况是難逢值臘中  
未白已堪張宴會  
漸繁偏好去簾櫳  
庭莎易焦着盈地  
池柳難裝旋逐風  
長愛清華入詩句  
預愁遲日放消融

遊宋興寺東巖

幾年不到東巖下  
舊住僧亡屋亦無  
寒日蕭條何物在

朽松經燒石池枯

全五代詩卷二十六

羅江李調元雨村 編

南唐

徐鉉

鉉字鼎臣廣陵人十歲能屬文與韓熙載齊名  
江南謂之韓徐起家吳校書郎已事李昇父子  
試知制誥貶泰州司戶掾俄遷祠部郎中復知  
制誥召為太子右諭德遷中書舍人後主時除  
禮部侍郎通署中書省事歷尚書右丞兵部侍  
郎翰林學士御史大夫吏部尚書歸宋為直學

士院給事中散騎常侍淳化初坐累黜靜難軍  
司馬卒有騎省集三十卷

隱居詩話梅聖俞贈鄰居詩壁  
隙透燈光鑑根分井口徐鉉亦  
有喜李少保卜鄰云井泉分地脉砧杵共秋聲此句尤閑遠也 際平  
集李穆使江南見鉉及其弟錯文章嘆曰二陸不及也 騎省集鉉嘗  
奉御札賦茱萸詩御札云新酒初熟偶與鄰王諸公開嘗于清晏堂  
之間既覽秋物復囑霜牋因賦茱萸一題以遣此時之興御鴻才敏思  
不可獨醒宜應急徵同賦前有鉉因進詩云萬物慶而成茱萸獨擅名  
芳排紅結小香透夾衣輕宿露霜猶重朝陽照更明長和菊花酒高晏  
奉西清又和御製詩末云今朝聖澤偏流詠黃菊無由更敬鄰又太子  
宏冀元宗長子母為光穆皇后先是民間謠曰有一真人在蕪川開口  
張弓向外邊乃名以應之以靖難功立為太子顯德六年九月薨謚文  
獻鉉有挽詩云出處成交讓經綸有大功淚碑瓜步北棠樹嶽山東百  
揆方時叙重離遂不融故臣偏感咽曾是歎三窮 十國春秋昭惠后  
罷嬖重房創為高髻織裳及首翹鬢泉之妝雪夜酣飲立命箋緩邀醉  
舞破又有限來遲破念家山破故霓裳羽衣曲久不傳后得殘譜以琵琶  
琶奏之遂復聞于世鉉知音聞于國工曹生問曰法曲終則緩此乃反  
急何也曹生曰舊譜定緩宮中有人易之非吉徵也鉉有坐中應制詩  
詞云長爰龍池二月時舞舞金線弄春姿假饒葉落枝空後更有梨

園笛裏吹又新春花柳近芳姿偏愛垂楊拂地枝天子徧教詞客賦官  
中要唱洞簫詞疑碧池頭燕翠連鳳皇樓畔晴烟新詞欲詠知難詠  
說與復成又管絃後果以乾德二年十一月甲戌卒年二十九 詩  
史後主繼后周氏昭惠后女弟開寶元年冊立行親迎禮民間觀者萬  
人先是后寢疾小周后已入宮中后偶寒慢見之怨至死面不外向後  
主製樂府艷其事詞云花明月暗籠輕霧今宵好向郎邊去刻鞞步香  
階手提金縷鞋画堂南畔見一餉畏人顛好為出來難教君恣意憐詞  
甚狎昵願傳於外至納后乃成禮而已翼日大宴羣臣韓熙載以下皆作  
詩諷焉而後主不之諱也徐鉉有納后夕侍宴詩云時平物茂歲功成  
重翟排雲到玉京四海未知春色至今宵先入九重城又銀燭金爐禁  
漏移月輪初照萬年枝造舟已似文王事卜世應同八百期 翟者年  
籍史徐鉉弟臣從李煜歸朝為銀青光祿大夫右散騎常侍太平興國中  
李煜薨詔侍臣撰神道碑有欲中傷鉉者奏曰吳王事莫若徐鉉為  
詳遂詔鉉撰鉉泣曰臣舊事李煜陛下容臣存故主之義乃敢奉詔太  
宗許之鉉但推言歷數有盡天命有歸而已其警言云東鄰構禍南箕  
扇疑投致慈親之感乞火無鄰婦之詞始勞困壘之師終後塗山之  
會太宗覽之稱歎不已異日復見鉉所撰吳王悼詞尤加歎賞每對宰  
臣稱鉉之忠義吳王挽詞三篇今傳者二首其一曰儵忽千齡盡冥茫  
萬事空青松洛陽陌白草建康宮道德遺文在興衰自古同受恩無補  
報反袂泣逢窮其二曰土德承餘烈江南廣舊恩一朝人事變千古信

書存衣履周原道銘旌鄭國門此生雖未死寂寞已消魂鉉被謫撰江南錄汝有信書之句東鄰謂錢俶也 玉壺清話騎省晚年詩愈五游木蘭亭云蘭舟破浪城陰直玉勒穿花苑樹深歸泉州云三朝恩澤馮唐老萬里江關賀監歸宿山寺云落宿依樓角歸雲掩殿廊

拋球樂辭二首

歌舞送飛球金觥碧玉籌管弦桃李月簾幕鳳凰樓一  
笑千場醉浮生任白頭

灼灼傳花枝紛紛度畫旂不知紅燭下照見彩球飛借  
勢因期尅巫山暮雨歸

酬郭先輩

太原郭夫子行高文炳蔚弱齡負世譽一舉游月窟仙  
籍第三人時人故稱屈昔余吏西省傾蓋名籍籍及我

竄群舒向風心鬱鬱歸家暮江上雲霧一披拂雷雨不  
下施猶作池中物念君介然氣感時思奮發示我數篇  
文與古爭馳突綵繡祭英華理深刮肌骨古詩尤精奧  
史論皆宏拔舉此措諸民何憂民不活吁嗟吾道窮與  
世長迂濶願我徒有心數竒身正絀論兵屬少年經國  
須儒術夫子無自輕蒼生正愁疾

題伏龜山北隅

茲山信岑寂陰厓積蒼翠水石何必多宛有千巖意孰  
知近人境旦暮含佳氣池影搖輕風林光澹新霽支頤  
藉芳草自足忘世事未得歸去來聊為宴居地

詠梅子真送郭先輩

忠臣本愛君仁人本愛民寧知貴與賤豈計名與身梅  
生為一尉獻疏來君門君門深萬里金虎重千鈞向永  
且不用况復論子真拂衣遂長往高節邈無鄰至今仙  
籍中謂之梅真人郭生負逸氣百代繼遺塵進退生自  
知得喪吾不陳斯民苟有幸期子一朝伸

送薛少卿赴青陽

我愛陶靖節吏隱從絃歌我愛費徵君高臥歸九華清  
風激頽波來者無以加我志兩不遂漂淪浩無涯數奇  
時且亂此圖今愈賒賢哉薛夫子高舉凌晨霞安民即

是道投足皆為家功名與權位悠悠何用誇攜朋出遠  
郊酌酒藉平沙雲收遠天靜江濶片帆斜離懷與企羨  
南望長咨嗟

送高起居之涇縣

右史罷朝歸之官向水湄別我行千里送君傾一卮酒  
罷長歎息此歎君應悲亂中吾道薄卿族舊人稀胡為  
佩銅墨去此白玉墀吏事豈所堪民病何可醫藏用清  
其心此外慎勿為縣郭有佳境千峰溪水西雲樹香迴  
合巖巖互蔽虧彈琴坐其中世事吾不知時時寄書札  
以慰長相思

玉笥山留題

仙鄉會應遠王事知何極  
征傳莫辭勞玉峰聊一息  
形骸已銷散心想都凝寂  
真氣自清虛非關好松石  
九仙皆積學洞壑多遺跡  
遊子歸去來胡為但征役

迴至南康題紫極宮東道士房

王事信靡盬飲水安足辭  
胡為擁征傳乃至天南陲  
天南非我鄉留滯忽踰時  
還經羽人家豁若雲霧披  
何以寬吾懷老莊有微詞  
達士無不可至人豈偏為  
客愁勿復道為君吟此詩

孟君別後相續寄書作此酬之

多病怯煩暑短才憂近職  
跂足北窓風遙懷浩無極  
故人易成別詩句空相憶  
尺素寄天涯淦江秋水色

奉酬度支陳負外

古來賢達士馳騫唯群書  
非禮誓弗習違道無與居  
儒家若迂濶遂將世情疏  
吾友嗣世德古風藹有餘  
幸遇漢文皇握蘭佩金魚  
俯視長沙賦恂恂將焉如

北使還襄邑道中作

九月三十日獨行梁宋道  
河流激似飛林葉翻如掃  
程遥苦晝短野迥知寒早  
還家亦不閑要且還家了

右省僕射後湖亭閑宴鉉以宿直先歸賦詩贈獻



湖上一陽生虛亭啟高宴楓林烟際出白鳥波心見主人  
忘貴達座客容與賤獨慚殘照催歸宿明光殿

月真歌

廣陵妓人翰林殷舍人所  
錄携之垂訪遂上贈此

揚州勝地多麗人其間麗者名月真月真初年十四五  
能彈琵琶善歌舞風前弱柳一枝春花裏嬌鶯百般語  
揚州帝京多名賢其間賢者殷德川德川初秉綸闈筆  
職近名高常罕出花前月下或遊從一見月真如舊識  
門庭深院資賢宅宅門巖峻無凡客垂簾偶坐唯月真  
調弄琵琶郎為拍殷郎一旦過江去鏡中嬾作孤鸞舞  
朝雲暮雨鎮相隨石頭城下還相遇二月三月江南春

滿城濛濛起香塵隔牆試聽歌一曲乃是資賢宅裏人  
綠窓繡幌天將曉殘燭依依香裊裊離腸却恨苦多情  
輭帳熏籠空悄悄殷郎去冬入翰林九霄官署轉深沉  
人間想望不可見唯向月真存舊心我慙闌茸何為者  
長感餘光每相假陋巷蕭條正揜扉相携訪我衡茅下  
我本山人愚且貞歌筵飲席常無情自從一見月真後  
至今贏得顛狂名殷郎月真聽我語少壯光陰能幾許  
良辰美景數追隨莫教長說相思苦

酬喬亞元舍人長歌

亞元舍人不替深知猥貽佳作三篇清絕不  
敢輕酬因為長歌聊以為報未竟復得子喬

校書示問故兼寄  
陳君庶資一笑爾

海陵城裏春正月海畔朝陽照殘雪城中有客獨登樓  
 遙望天邊白銀闕白銀闕下何英英雕鞍繡轂趨承明  
 閭門曉闕旌旗影玉墀風細佩環聲此處追飛皆俊彥  
 當年何事容疵賤懷銘畫坐紫微宮焚香夜直明光殿  
 王言簡靜官司閑朋好殷勤多往還新亭風景如東洛  
 印嶺材泉似北山光陰暗度孟孟裏職業未妨談笑間  
 有時邀賓復攜妓造門不問都非是酣歌叫笑驚四鄰  
 賦筆縱橫動千字任他銀箭轉更籌不怕金吾司夜吏  
 可憐諸貴賢且才時情物望兩無猜伊余獨稟狂狷性  
 偏量多言巧薄命吞舟可漏豈無恩負乘自貽非不幸

一朝削跡為遷客旦暮青雲千里隔離鴻別雁各分飛

折柳攀花兩無色盧龍渡口問迷津瓜步山前送暮春

去年三月三十日瓜步阻風白沙江上曾行路青林花落何紛紛漢皇昔幸

回中道尋常處為東游之語極目牛羊臥芳草舊宅重游盡隙荒故人

相見多衰老禪智寺山光橋風瑟瑟兮雨蕭蕭行盃已

醒殘夢斷征途未極離魂消海陵郡中陶太守相逢本

是隨行舊乍申拜起已開眉却問辛勤還執手精廬水

榭最清幽一稅征車聊駐留閉門思過謝來客知恩省

分寬離憂郡齋勝境有後池山亭茵閣互參差有時虛

左來相召舉白飛觴任所為多才太守能搗鼓醉送金

船間歌舞酒酣耳熱眼生花  
暫似京華歡會處歸來旅  
館還端居清風朗月夜窗虛  
駸駸流景歲云暮天涯望  
斷故人書春來憑檻方歎息  
仰頭忽見南來翼足繫紅  
箋墮我前引頸長鳴如有言  
開緘試讀相思字乃是多

情喬亞元短韻三篇皆麗絕  
小梅寄意情偏切亞元詩云借問小梅應信春風

自海邊來此篇尤嘉金蘭投分一何堅  
銀鈎置袖終難滅醉後狂言何

足竒感君知己不相遺  
長卿曾作美人賦元成今有責

躬詩鈺去春醉中贈醉妓歌醉為喬君所賞來篇所引故以謝之報章欲託還京信  
筆拙紙窮情未

盡珍重共香陳子喬亦解  
貽書遠相問寧須買藥療羈

愁只恨無書消鄙吝子喬開藥物所要又問置新書故有此句游處當時靡不同歡

琪今日兩成空天子尚應憐賈誼  
時人未要嘲楊雄曲

終筆閣緘封已翩翩驛騎行  
塵起寄向中朝謝故人為

說相思意如此

白鷺洲送陳使君

白鷺洲邊江路斜輕鷗接翼滿平沙  
吾徒來送遠行客  
停舟為爾長歎息酒旗漁艇兩無猜  
月影蘆花鎮相得  
離筵一曲怨復清滿座銷魂鳥不驚  
人生不及魚禽樂  
安用虛名上麟閣同心携手今如此  
金鼎丹砂何寂寞  
天涯後會眇難期從此又應添白鬢  
願君不忘分飛處  
長保翩翩潔白姿

早春左省寓直

旭景鸞臺上微雲象闕間時清政事少日永直官閑遠  
籟飛簫管零水響珮環終軍年二十默坐叩元關

寒食宿陳公塘上

岳楊界官道茅屋倚高坡月下春塘水風中牧豎歌折  
花開立久對酒遠情多今夜孤亭夢悠揚奈爾何

將過江題白沙館

少長在維揚依然認故鄉金陵佳麗地不道少風光稍  
望吳臺遠行登楚塞長殷勤語江嶺歸夢莫相妨

早春旬假獨直寄江舍人

省署皆歸沐西垣公事稀詠詩前砌立聽漏向申歸遠  
思風醒酒餘寒雨濕衣春光已堪探芝蓋共誰飛

賦得綵燕

縷綵成飛燕迎和啟蟄時翠翹生玉指繡羽拂文楣誰  
費銜泥力無勞剪爪期化工今在此翻怪社期遲

送史館高員外使嶺南

東觀時閑暇遠修喻蜀書雙旌馳縣道百越從軺車桂  
壺晨殮罷貪泉訪古餘春江多好景莫使醉吟疎

春日紫巖山期客不至

郊外春華好人家帶碧谿淺莎藏鴨戲輕靄隔鷄啼掩

映紅桃谷黃綠翠柳堤王孫竟不至芳草自萋萋

愛敬寺有老僧嘗遊長安言秦雍間事歷歷可聽  
因贈此詩兼示同行客

白首棲禪者嘗談灞滻游能令過江客偏起失鄉愁室  
倚桃花崦門臨杜若洲城中無此景將子剩淹留

寄和州韓舍人

急景駸駸度遙懷處處生風頭乍寒暖天色半陰晴久  
別魂空斷終年道不行殷勤雲上鴈為過歷陽城

春分日

仲春初四日春色正中分綠野爽回月晴天斷續雲鶯

飛猶箇箇花落已紛紛思婦高樓晚歌聲不可聞

謝文靜墓下作

時聞嶺用師  
契丹陷梁永

越徵稽天討周京亂虜塵蒼生何可奈江表更無人豈  
憚尋荒龍猶思認後身春風白楊裏獨步淚霑巾

和明道人宿山寺

聞道經行處山前與水陽磬聲深小院燈影迥高房落  
宿依樓角歸雲擁殿廊羨師閑未得早起逐班行

晚歸

著服道情出煙街薄暮還風清飄短袂馬健弄連環水  
靜聞歸櫓霞明見遠山過從本無事從此涉旬間

聞鴈寄故人

久作他鄉客深慚薄宦非不知雲上鴈何得每年歸夜  
靜聲彌怨天空影更微往年離別淚今夕重霑衣

寒食日作

厨冷煙初禁門開日更斜東風不好事吹落滿庭花過  
社紛紛燕新晴淡淡霞京都盛遊觀誰訪子雲家

歐陽太監雨中視決堤因墮水明日見於省中因

戲之

聞道張晨蓋徘徊石首東瀋川非伯禹落水異三公哀  
然仍愁雨冠歌更怯風今朝復相見疑是葛仙翁

送吳郎中為宣州推官知涇縣

征虜亭邊月雞鳴伴客行可憐何水部今事謝宣城風  
物聊供賞班資莫繫情同心不同載留滯為浮名

寄舒州杜員外

信到得君書知君已下車粉闥情在否蓮幕興何如人  
望徵賢入余思從子居瀟山真隱地憑為卜茅廬

賦得擣衣

江上多離別居人夜擣衣拂砧知露滴促杵恐霜飛漏  
轉聲頻斷愁多力自微裁縫見夢見腰帶定應非

九月三十夜雨寄故人

獨聽空塔雨方知秋事悲寂寥旬假日蕭颯夜長時別  
念紛紛起寒更故故邊情人如不醉定是兩相思

寄撫州鍾郎中

時王師敗績於  
閩中謫在建州

去載分襟後尋聞在建安封疆正多事罇俎若為歡都  
護空遺鏃明君欲舞干繞朝時不用非是殺身難

秋日盧龍村舍

置却人間事閒從野老游樹聲村店晚草色古城秋獨  
鳥飛天外閒雲度隴頭姓名君莫問山木與虛舟

中書相公谿亭閒宴依韻

李建勳

雨霖秋光晚亭虛野興迴沙鷗掠岸去谿水上塔來客

傲風欹幘筵香菊在盃東山長許醉何事憶天台

寄饒州王郎中效李白體

珍重王光嗣交情尚在不燕城連宅住楚塞並車游別  
後官三改年來歲六周銀鈎無一字何以緩離愁

臨石步港

碕岸隳縈帶微風起細連緣陰三月後倒影亂峰前吹  
浪游鱗小黏苔碎石圓曾將腰下組換取釣魚船

和江州江中丞見寄

賈傅南遷久江關道路遙北來空見雁西去不如潮鼠  
穴依城社鴻飛在沙寥高低各有處不擬更相招

過江

別路知何極，離腸有所思。登艫望城遠，搖櫓過江遲。斷  
岍煙中失，長天水際垂。此心非橘柚，不為兩鄉移。

秦州道中却寄東京故人

風緊雨淒淒，川迴岸漸低。吳州林外近，隋苑霧中迷。聚  
散紛如此，悲歡豈易齊。料君殘酒醒，還聽子規啼。

陶使君挽歌二首

太守今何在，行春去不歸。筵空收管吹，郊迥儼駢騑。營  
外星纔落，園中露已晞。傷心梁上燕，猶解向人飛。  
始憶花前宴，笙歌醉夕陽。那堪城外送，哀挽逐歸艫。鈴

朝猶閉風亭，日已荒。唯餘遷客淚，霑灑後池傍。

雪中作

賦分多情客，經年云國心。疎鐘寒郭晚，密雪水亭深。影  
迴鴻投渚，聲愁雀噪林。他鄉一罇酒，獨坐不成斟。

寄從兄憲兼示二弟

別路吳將楚，離憂弟與兄。斷雲驚晚吹，秋色滿孤城。信  
遠鴻初下，鄉遥月共明。一枝棲未穩，迴首望三京。

送荻栽與秀才朱觀

美子清吟處，茅齋面碧流。解憎蓮豔俗，唯欠荻花幽。寫  
立低枝晚，風驚折葉秋。贈君須種取，不必樹忘憂。



常州驛中喜雨

颼颼早天雨涼風一夕迴遠尋內畝去細入驛亭盡  
唱牛初牧漁歌棹正開盈庭頓無事歸思酌金罍

驛中七夕

夕雨初霽行人正憶家江天望河漢水館折蓮花獨  
土涼何甚微吟月易斜今年不乞巧鈍拙轉堪嗟

贈浙西妓亞仙

廷上作

翠黛頻如怨朱顏醉更春占將南國貌惱殺別家人  
沾巡盞花鈿逐舞茵明朝綺窓下離恨兩殷勤

送劉山陽

放知名士朱衣宰楚城所嗟吾道薄豈是主恩輕戰  
鼓何時息儒冠獨自行此心多感激相送若為情

送黃秀才姑孰辟命

世亂離情苦家貧色養難水雲孤棹去風雨暮春寒  
府方方急騷人淚未乾何時王道泰萬里看鵬搏

送王四十五歸東都

以內兵方起離筵淚易垂憐君負米去惜此落花時想  
憶有來信相寬指後期殷勤手中柳此是向南枝

送勳道人之建安

下國兵方起君家義獨聞若為輕世利歸去卧溪雲桂

席衝嵐翠携筇破鮮紋離情似霜葉江上正紛紛

和明上人除夜見寄

酌酒圍爐久愁襟默自增長年逢歲暮多病見兵興夜色開庭燎寒威入硯冰湯師無別念吟坐一燈凝

正初和鄂州邊郎中見寄

潦倒含香客淒涼賦鵬人未能全卷舌終擬學垂綸故友睽離久音書問訊頻相思俱老大又見一年新

送劉司直出宰

子有雄文風標秀不群低飛從墨綬逸志在青雲柳臨流動春光到縣分賢人多靜理未爽醉醺醺

送朱先輩尉廬陵

我重朱夫子依然見古人成名無愧色得祿及慈親莫歎官資屈寧論活計貧平生心氣在終任靜邊塵

送龔明府九江歸寧

茂宰隳官去扁舟著綠衣淦城春酒熟康阜野花稀解纜垂楊綠開帆宿鷺飛一朝吾道泰還逐落潮歸

步虛詞五首

氣為還元正心由抱一靈凝神歸罔象飛步入青冥整服乘三素旋網躡九星瓊章開後學稽首奉真經天帝黃金闕真人紫錦書霓裳紛蔽景羽服迥凌虛白

鶴能為使班麟解駕車靈符終願借轉共世情疎  
聖主過幽谷虛皇在藥宮五千宗物母七字祕神童世  
上金壺遠人間玉籥空唯餘養身法修此與天通  
何處求元解人間有洞天勤行皆是道謫下尚為仙蔽  
景乘朱鳳排虛駕紫煙不嫌園吏傲願在玉宸前  
三素霏霏遠盟威凜凜寒火鈴空滅沒星斗曉闌干佩  
響流虛殿爐烟在醮壇蕭寥不可極驂駕上雲端

宿茅山寄舍弟

茅許稟靈氣一家同上賓仙山空有廟舉世更無人獨  
往誠違俗浮名亦累真當年各自勉雲洞鎮長春

晚憇白鶴廟寄句容張少府

日入林初靜山空暑更寒泉鳴細巖竇鶴唳眇雲端拂  
榻安棋局焚香戴道冠望君殊不見終夕凭欄干

和致仕張尚書新創道院

梓澤成新致金丹有舊情挂冠朝睡足隱几暮江清藥  
圃分輕綠松窓起細聲養高寧厭病默坐對諸生

尚書時有瘡疾

京使迴自臨川得從兄書寄詩依韵和

珍重還京使殷勤話故人別離長挂夢寵祿不關身趣  
向今成道聲華舊絕塵莫嗟容鬢老詩句逐時新

文獻太子挽歌詞五首

國有承祧重人令秉哲尊清風來望苑遺烈在東藩此  
日升緹嶺何因到寢門天高不可問煙靄共昏昏  
夏啟吾君子周儲上帝賓音容一飄忽功業自紛綸露  
泣承華月風驚麗正塵空餘商嶺客行哭下宜春  
出處成交讓經綸有大功淚碑瓜步北棠樹蒜山東百  
揆方時敘重離遂不融故臣偏感咽曾是歎三窮  
甲觀光音促園陵天地長簫笳咽無韻賓御哭相將盛  
烈傳彝鼎遺文被樂章君臣知己分零淚亂無行  
綵仗清晨出非同齒冑時愁煙鏢平甸朔吹繞寒枝楚  
客來何補緹山去莫追迴瞻飛蓋處揜袂不勝悲

送王員宰德安

冢世朱門貴官資粉署優今為百里長應好五峰游柳  
影連彭澤湖光接庾樓承明須再入官滿莫淹留

以端谿硯酬張員外水精珠兼和來篇

請以端谿潤疇君水玉明方圓雖異器功用信俱呈自  
得山川秀能分日月精巾箱各珍重所貴在交情

光穆皇后挽歌三首

仙馭期難改坤儀道自光闕宮新表德沙麓舊膺祥素  
帟堯門揜凝笳畢陌長東風慘陵樹無復見親桑  
永樂留虛位長陵啟夕扉返虞嚴吉仗復土揜空衣功

業授三母光靈極四妃唯應彤史在不與露花晞  
隱隱闔門路煙雲曉更愁空瞻金輅出非是濯龍游德  
感人倫正風行內職修還隨偶物化同此思軒邱

侍宴賦得歸雁

夜靜群動息翩翩一雁歸清音天際遠寒影月中微何  
處雲同宿長空雪共飛陽和常借使免與素心違

又賦早春書事

苑裏芳華早皇家勝事多弓聲達春氣奕思養天和煖  
酒紅爐火浮舟綠水波雪晴農事起繫壤聽賡歌

春雪應制

繁陰連曙景瑞雪酒芳辰勢密猶疑臘風和始覺春縈  
林開玉蕊飄座裏香塵欲識宸心悅雲謠慰兆人

賦得秋江晚照

落日照平流晴空萬里秋輕明動楓葉點的亂沙鷗  
網魚梁靜篁簷稻穗收不教行樂倦冉冉下城樓

和遊光睦院

寺門山水際清淺照孱顏客權晚維岸僧房猶掩關日  
華穿竹靜雲影過堦閒箕踞一長嘯忘懷物我間

和張少監舟中望蔣山

谿路向還背前山高復重紛披紅葉樹間斷白雲峰盡

日慵移櫂何年醉倚松自知間未得不敢笑周顒

奉御札賦茱萸詩

御札新酒初熟偶與鄭王諸公開嘗於清宴堂  
廡之間既覽秋物復囑霜戩因賦茱萸一題以  
遣此時之興卿鴻才敏思不可獨醒宜應  
急徵同賦前旨翰林學士臣徐鉉進詩云

萬物慶西成茱萸獨擅名房排紅結小香透夾衣輕宿  
露露猶重朝陽照更明長和菊花酒高宴奉西清

秋日泛舟賦蘋花

素豔擁行舟清香覆碧流遠煙分的的輕浪汎悠悠雨  
歇平湖滿風涼運瀆秋今朝流詠處即是白蘋洲

明道人歸西林求題院額作此送之

昔從岐陽狩簪纓滿翠微十年勞我夢今日送師歸曳

尾龜應樂乘軒鶴謾肥含情題小篆將去挂岩扉

送宣州邱判官

憲署游從阻平臺道路賒喜君馳後乘於此會仙槎緩  
酌遲飛蓋微吟望綺霞相迎在春渚暫別莫咨嗟

禁中新月

今夕拜新月沉沉禁署中玉繩疎間彩金掌靜無風節  
換知身老時平見歲功吟看北墀暝蘭燼墜微紅

棋賭賦詩輸劉起居真

刻燭知無取爭先素未精本圖忘物我何必計輸贏賭  
墅終規利焚囊亦近名不如相視笑高詠兩三聲

後湖訪古各賦一題得西邨

南朝藩閫地八友舊招尋事往山光在春晴草色深曲池魚自樂叢桂鳥頻吟今日中興運猶懷翰墨林

賦得霍將軍辭第

漢將承恩久圖勳肯顧私匈奴猶未滅安用以家為邸匠雖聞詔衡門竟不移寧煩張老頌無待晏嬰辭甲乙人徒費親鄰我自持悠悠千載下長作師臣師

題畫石山

彼美巉巖石誰施黼藻功回巖明照地絕壁爛臨空錦段鮮須濯羅屏展易窮不因秋蘚綠非假晚霞紅羽客

藏書洞樵人取箭風靈蹤理難問仙客去何通返駕歸塵裏留情向此中迴瞻畫圖畔遙羨面山翁

賦得風光草際浮

宿露依芳草春郊古陌旁風輕不盡偃日早未晞陽耿耿依平遠離離入望長映空無定彩飄逕有餘光颭若荷珠亂紛如燭火颺詩人多感物凝思繞池塘

題碧巖亭贈孫尊師

絕境何人識高亭萬象合凭軒臨樹杪送目極天南積靄生泉洞歸雲鎖石龕丹霞披翠嶽白馬帶晴嵐仙去留虛至龍歸漲碧潭幽巖君獨愛元味我曾耽世上愁

何限人間事久諧終須脫羈鞅來此會空談

送高舍人使嶺南

西掖官曹近南溟道路遙使星將渡漢仙棹乍乘潮柳  
映靈和折梅依大庾飄江帆風浙浙山館雨蕭蕭陸賈  
真迂濶終童久寂寥送君何限意把酒一長謠

和歙州陳使君見寄

新安風景好時令肅轅門身貴心彌下功多口不言韜鈴  
家法在儒雅素風存簪履陪游盛鄉閭族化敦臨窓山  
色秀繞郭水聲喧織絡文章麗矜嚴道義尊樓臺秋月  
靜京庾晚雲屯曉吹傳衙鼓晴陽展信幡一篇貽友好

千里倍心論未見歸驂動空能後夢魂

依韵和令公大王薔薇詩

綠樹成陰後群芳稍歇時誰將新濯錦挂向最高枝卷  
箔香先入凭欄影任移賞頻嫌酒渴吟苦怕霜髭架迴  
籠雲幄庭虛展繡帷有情縈舞袖無力罨游絲嫩葉鴛  
偷采柔條柳伴垂荀池波自照梁苑客嘗窺玉李尋皆  
謝金桃亦暗哀花中應獨貴庭下故開遲委豔粧苔砌  
分華借槿籬低昂勻灼爍濃淡疊參差幸值王宮裏仍  
逢宰府知芳心向誰許醉態不能支芍藥天教避玫瑰  
衆共嗤光明烘畫景潤膩裒輕霽麗似期神女珍如重



衛姬君王偏屬詠士子盡搜奇

和門下殷侍郎新茶二十韵

暖吹入春園新芽競粲然才教鷹嘴拆未放雪花妍荷  
杖青林下携筐旭景前孕靈資雨露種秀自山川碾後  
香彌遠烹米色更鮮名隨土地貴味逐水泉遷力籍流  
黃暖形模紫筍圓正當鑽柳火遙想湧金泉任道時新  
物須依古法煎輕甌浮綠乳孤竈散餘煙甘薺非予匹  
宮槐讓我先竹孤空冉冉荷葉謾田田解渴消殘酒清  
神感夜眠十漿何足饋百榼盡堪捐采擷唯憂晚營求  
不計錢任公因焙顯陸氏有經傳愛甚真成癖嘗多合

得仙亭臺虛靜處風月豔陽天自可臨泉石何妨雜管  
弦東山似蒙頂願得從諸賢

奉和右省僕射西亭高卧作

院靜蒼苔積庭幽怪石欹蟬聲當檻急虹影向簷垂書  
漏猶憐永叢蘭未覺衰疎篁巢翡翠折葦覆鸕鷀對酒  
襟懷曠圍棋旨趣遲景皆隨所尚物各遂其宜道與時  
相會才非世所羈賦詩貽座客秋事爾何悲

納后夕侍宴

天上軒星正雲間湛露垂禮容過渭水宴喜勝瑤池彩  
霧籠花燭升龍肅羽儀君臣歡樂日文物盛明時簾捲

全五代詩 卷三  
銀河轉香凝玉漏遲華封傾祝意觴酒與聲詩

哭刑部侍郎喬公詩

公臨終數日舍弟往候之怡然言曰吾往矣君兄弟可各為一詩哭我翼日復告門

生曰吾已得徐君兄弟許我詩餘無事矣其志忘死生也如此嗚呼絮酒之禮已隔平生挂劍之信永昇穹壤故以二章為誌附于九原其

云詩

舉世重文雅夫君更質真曾嗟混雞鶴終日異淄磷詞賦離騷客封章諫諍臣襟懷道家侶標格古時人逸老誠云福遺形未免貧求文空得草埋玉遂為塵靜想忘年契冥思接武辰連宵洽杯酒分日掌絲綸蠹簡書陳事遺孤託世親前賢同此歎非我獨露巾

全五代詩卷二十七

羅江李調元雨村 編

南唐

徐鉉 二

和元帥書記蕭郎中觀習水師

元帥樓船出治兵落星山外火旗明千帆日助江陵勢  
萬里風馳下瀨聲殺氣曉巖波上鷓鴣歌遙駭海邊鯨  
仲宣一作從軍詠迴顧儒衣平

宣威苗將軍貶官後重宅

蔣山南望近西坊亭館依然鎖院墻天子未嘗過細柳

全五代詩

卷三

南唐

將軍尋已戍燉煌史萬歲嘗謫戍燉煌敬傾怪石山無色零落圓荷  
水不香為將為儒皆寂寞門前愁殺馬中郎

病題

人間多事本難論況是人間嬾慢人不解養生何怪病  
已能知命敢辭貧向空咄咄煩書字舉世滔滔莫問  
金馬門前君識否東方曼倩是前身

送蒯司錄歸京亮

早年聞有蒯先生二十餘年道不行抵掌曾論天下事  
折腰猶悟俗人情老還上國歡娛少貧裹歸裝結束輕  
遷客臨流倍惆悵冷風黃葉滿山城

送郝郎中為浙西判官

大藩從事本優賢幕府仍當北固前花繞樓臺山倚郭  
寺臨江海水連天恐君到即忘歸日憶我遊曾歷二年  
若許他時作閑伴殷勤為買釣魚船

和鍾大監汎舟同游見示

潮溝橫趣北山阿一月三游未是多老去交親難暫捨  
閑中滋味更無過溪橋樹映行人渡村徑風飄牧豎歌  
孤櫂亂流偏有興滿川晴日弄微波

進雪詩

欲使新正識有年故飄輕絮伴春還近看瓊樹籠銀關

遠想瑤池帶玉關  
潤逐麤麩鋪綠野  
暖隨杯酒上朱顏  
朝來花萼樓中宴  
數曲賡歌雅頌間

登甘露寺北望

京口潮來曲岸平  
海門風起浪花生  
人行沙上見日影  
舟過江中聞櫓聲  
芳草遠迷楊子渡  
宿煙深映廣陵城  
游人鄉思應如橘  
相望須含兩地情

京口江際弄水

退公求靜獨臨川  
楊子江南二月天  
百尺翠屏甘露閣  
數帆晴日海門船  
波澄瀨石寒如玉  
草接汀蘋綠似煙  
安得乘槎更東去  
十洲風外弄潺湲

陳覺放還至泰州以詩見寄作此答之

朱雲曾為漢家憂  
不怕交親作世仇  
壯氣未平空咄咄  
狂言無驗信悠悠  
今朝我作傷弓鳥  
却羨君為不繫舟  
勞寄新詩平宿憾  
此生心氣貫清秋

五三十七自京垂訪作此送之

失鄉遷客在天涯  
門掩苔垣向水斜  
只就鱗鴻求遠信  
敢言車馬訪貧家  
煙生柳岸將垂縷  
雪壓梅園半是花  
惆悵明朝尊酒散  
夢魂相送到京華

聞查建州陷賊寄鍾郎中

聞道將軍輕壯圖  
螺江城下委犀渠  
旌旗零落沉荒服

簪履蕭條返故居皓首應全蘇武節故人誰得李陵書  
自憐放逐無長策空使盧諶淚滿裾

寄外甥苗武仲

放逐今來漲海邊親情多在鳳臺前且將聚散為閑事  
須信華枯是偶然蟬噪疎林村倚郭鳥飛殘照水連天  
此中唯欠韓康伯共對秋風詠數篇

送楊郎中唐員外奉使湖南

江邊微雨柳條新握節含香二使臣兩綬對懸雲夢日  
方舟齊汎洞庭春今朝草木逢新律昨日山川滿戰塵  
同是多情懷古客不妨為賦弔靈均

送許郎中歙州判官兼歙縣

舊宰涇縣許宣平亦歙人也

嘗聞歙縣似桃源况是優游冠玳筵遺愛非遙應卧理  
祖風猶在好尋仙朝衣舊識熏香史祿米初營種秫田  
天抵宦遊須自適莫辭離別二三年

邵伯埭下寄高郵陳郎中

故人相別動經年侯館相逢倍惓然碩我飲冰難輟權  
感君扶病為開筵河灣水淺翹秋鷺柳岸風微噪暮蟬  
欲識酒醒魂斷處謝公祠畔客亭前

謫居舒州累得韓高二舍人書作此寄之

三峰煙靄碧臨溪中有騷人理釣絲會友少於分袂日

全五代詩 卷三  
謫居多却在朝時丹心歷歷吾終信俗慮悠悠爾不知  
珍重韓君與高子殷勤書札寄相思

移饒州別周使君

正憐東道感賢侯何幸南冠脫楚囚  
晚伯臺前收別宴喬公亭下艤行舟  
四年去國身將老百郡徵兵主尚憂  
更向鄱陽湖上去青衫憔悴淚交流

避難東歸依韻和黃秀才見寄

感感逢人問所之東流相送向京畿  
自甘逐客紉蘭佩不料貧民著戰衣  
樹帶荒村春冷落江澄霽色霧霏微  
時危道喪無才術空手徘徊不忍歸

送黃梅江明府

封疆多難正經綸臺閣如何不用君  
江上又勞為小邑篋中徒自有雄文  
書生膽氣人誰信遠俗歌謠主不聞  
一首新詩無限意再三吟味向秋雲

和蕭郎中午日見寄

細雨輕風采藥時寒簾隱几更何為  
豈知澤畔紉蘭客來赴城中角黍期  
多罪靜思如剗蘗赦書纔聽似含飴  
謝公制勝常閑暇願接西州敵手棋

和太常蕭少卿近郊馬上偶吟

田園經雨綠分畦飛蓋閑行九里隄  
拂袖清風塵不起

滿川芳草路如迷  
林開始覺晴天迥  
潮上初驚浦岸齊  
怪得仙郎詩句好  
斷霞殘照遠山西

又和

抱甕何人灌藥畦  
金銜為爾駐平堤  
村橋野店景無限  
綠水晴天思欲迷  
橫笛乍隨輕吹斷  
歸帆疑與遠山齊  
鳳城迴望真堪畫  
萬戶千門蔣嶠西

和蕭少卿見慶新居

湘浦懷沙已不疑  
六城賜第豈前期  
鼓聲到晚知坊遠  
山色來多與靜宜  
簪屨尚應憐故物  
稻梁空自媿華池  
新詩問我偏饒思  
還念鷓鴣得一枝

送從兄赴臨川幕

梁王籍寵就東藩  
還召鄒枚坐兔園  
今日好論天下事  
昔年同受主人恩  
石頭城下春潮滿  
金柅亭邊綠樹繁  
唯有音書慰離別  
一盃相送別無言

和江西蕭少卿見寄

亡羊岐路媿司南  
二紀窮通聚散三  
老去何妨從笑傲  
病來看欲懶朝餐  
離腸似線常憂斷  
世態如湯不可探  
珍重加餐省思慮  
時時斟酒壓山嵐

和尉遲贊善秋暮僻居

登高節物最堪憐  
小嶺疎林對檻前  
輕吹斷時雲縹緲

夕陽明處水澄鮮  
江城秋早催寒事  
望苑朝稀足晏眠  
庭有菊花尊有酒  
若方陶令媿前賢

陪鄭王相公賦筵前垂冰應教依韻

窗外虛明雪乍晴  
簷前垂雷盡成冰  
長廊瓦疊行行密  
晚院風高寸寸增  
玉指乍拈簪尚媿  
金階時墜磬難勝  
晨餐堪醒曹參酒  
自恨空腸病不能

池州陳使君見示游齊山詩因寄

往歲曾游弄水亭  
齊峰濃翠暮軒橫  
哀猿出檻心雖喜  
傷鳥聞弦勢易驚  
病後簪纓殊寡興  
老來泉石倍關情  
今朝池口風波靜  
遙賀山前有頌聲

再領制誥和王明府見賀

蹇步還依列宿邊  
拱辰重認舊雲天  
自嗟多難飄零困  
不似當年膽氣全  
雞樹晚花疎向日  
龍池輕浪細含烟  
從來不解為身計  
一葉悠悠任大川

和方秦州見寄

逐客悽悽重入京  
舊愁新恨兩難勝  
雲收楚塞千山雪  
風結秦淮一尺冰  
置醴筵空情豈盡  
投湘文就思如凝  
更殘月落知孤坐  
遙望船窗一點星

嚴相公宅牡丹

但是豪家重牡丹  
爭如丞相閣前看  
鳳樓日暖開偏早



雞樹陰濃謝更難  
數朶已應迷國艷  
一枝何幸上塵冠  
不知更許憑欄否  
爛熳春光未肯殘

九日落星山登高

秋暮天高稻穗成  
落星山上會諸賓  
黃花汎酒依流俗  
白髮盈頭思古人  
崖影晚看雲出岫  
湖光遙見客垂綸  
風烟不改年長度  
終待林泉老此身

御筵送鄧王

禁裏秋光似水清  
林煙池上共離情  
暫移黃閣只三載  
却望紫垣都數程  
滿座清風天子送  
隨車甘雨郡人迎  
綺霞閣上題詩在  
從此還應有頌聲

陳侍郎宅觀花燭

今夜銀河萬里秋  
人言織女嫁牽牛  
佩聲寥亮和金奏  
燭影熒煌映玉鉤  
座客亦從天子賜  
更籌須為主人留  
世間盛事君知否  
朝下鸞臺夕鳳樓

蒙恩賜酒旨令醉進詩以謝

明光殿裏夜迢迢  
多病逢秋自寂寥  
蠟炬乍傳丹鳳詔  
御題初認白雲謠  
今宵幸識衢尊味  
明日知傳入閣朝  
為感君恩判一醉  
不煩辛苦解金貂

題梁王舊園

梁王舊館枕潮溝  
共引垂藤繫小舟  
樹倚荒臺風淅淅

草埋欹石雨修修門前不見鄒  
放醉池上時聞鴈鷺愁  
節士逢秋多感激不須頻向此中游

觀吉王從謙花燭

王門嘉禮萬人觀况是新承置醴歡  
花燭喧闐丞相府  
星辰搖動遠遊冠歌聲暫闕聞宮漏  
雲影初開見露盤  
帝里佳期頻賦頌長留故事在金鑾

憶新淦觴池寄孟賓于員外

往年淦水駐行軒引得清流似月圓  
自有溪光還碧甃  
不勞人力遞金船潤滋苔蘚欺茵席  
聲入杉松當管弦  
珍重詩人頻管領莫教塵土咽潺潺

使浙西先寄獻燕王侍中

京江風靜喜乘流極目遙瞻萬歲樓  
喜氣籠葱甘露晚  
水煙波淡海門秋五年不見鸞臺長  
明日將陪兔苑遊  
欲問平臺門下吏相君還許吐茵不

和張先輩見寄二首

去國離群擲歲華病容憔悴媿丹砂  
谿連舍下衣長潤  
山帶城邊日易斜幾處垂鈎依野岸  
有時披褐到鄰家  
故人書札頻相慰誰道西京道路賒

清時淪放在山州叩竹紗中處處游  
野日蒼茫悲鵬舍  
水風陰濕弊貂裘鷄鳴候日寧辭晦  
松節凌霜幾換秋

西首新詩千里道感君情分獨知邱

夢游

繡幌銀屏杳靄間若非魂夢到應難  
窗前人靜偏宜夜戶內春濃不識寒  
蘸甲造觴纖似玉含詞忍笑膩於檀  
錦書若要知名字滿縣花開不姓潘

南國佳人字玉兒芙蓉雙臉遠山眉  
仙郎有約長相憶阿母無猜不得知  
夢裏行雲還倏忽暗中携手乍疑遲  
因思別後閑窗下織得迴文幾首詩

和蕭少卿見慶新居

驚蓬偶駐知多幸斷雁重聯愜素期  
當戶小山如舊識

上墻幽蘚最相宜清風不去因栽竹  
隙地無多也鑿池更喜良鄰有嘉樹  
綠陰分得近南枝

送陳祕監歸泉州

風滿潮溝木葉飛水邊行客駐驂駢  
三朝恩澤馮唐老萬里鄉關賀監歸  
世路窮通前事遠半生談笑此心違  
離歌不識高堂慶特地令人淚滿衣

將去廣陵別史員外南齋

家聲曾與金張輩官署今居何宋間  
起得高齋臨靜曲種成奇樹學他山  
鴛鴦終日同醒醉蘿薜常時共往還  
賤子今朝獨南去不堪回首望清閒

從駕東幸呈諸公

吳公臺下舊京城曾揜衡門過十春別後不知新景象  
信來空問故交親宦游京口無高興習隱鍾山限俗塵  
今日喜為華表鶴况陪鸚鵡鷺免迷津

送魏舍人仲甫為蘄州判官

從事蘄春興自長蘄人應識紫微郎山資足後拋名路  
莼菜秋來憶故鄉以道卷舒猶自適臨戎談笑固無妨  
如聞郡閣吹橫笛時望青谿憶野王

題殷舍人宅木芙蓉

憐君庭下木芙蓉嫋嫋纖枝淡淡紅曉吐芳心零宿露

晚搖嬌影媚清風似含情態愁秋雨暗減馨香借菊叢  
默飲數杯應未稱不知歌管與誰同

賦得有所思

所思何在杳難尋路遠山長水復深衰草滿庭空佇立  
清風吹袂更長吟忘情好酌青田酒寄恨宜調綠綺琴  
落日鮮雲偏聚散可能知我獨傷心

贈王貞素先生

先生嘗已佩真形紺髮朱顏骨氣清道秘未傳鴻寶術  
院深時聽步虛聲遼東幾度悲城郭吳市終應變姓名  
三十六天皆有籍他年何處問歸程

游蔣山題辛夷花寄陳奉禮

本約陳同  
游不至

今歲游山已恨遲山中仍喜見辛夷簪纓且免全為累  
桃李猶堪別作期晴後日高偏照灼晚來風急漸離披  
山郎不作同行伴折得何由寄所思

從兄龍武將軍沒於邊戍過舊營宅作

前年都尉沒邊城帳下何人領舊兵  
徼外瘴烟沉鼓角山前秋日照銘旌  
笙歌却返烏衣巷部曲皆還細柳營  
今日園林過寒食馬蹄猶擬入門行

和王庶子寄題兄長建州廉使新亭

謝守高齋結構新一方風景萬家情  
群賢詎減山陰會

遠俗初聞正始聲水檻片雲長不去  
訟庭纖草轉應生阿連詩句偏多思  
遙想池塘晝夢成

秋日雨中與蕭贊善訪殷舍人於翰林座中作

野出西垣步步遲秋光如水雨如絲  
銅龍樓下逢閒客紅藥堦前訪舊知  
乳點乍添承露處碎聲因想滴篷時  
銀臺鑰入須歸去不惜餘歡盡酒卮

送和州張員外為江都令

經年相望隔重湖一旦相逢在上都  
塞詔官班聊慰否埋輪意氣尚存無  
由來聖代憐才子始覺清風激懦夫  
若向西岡尋勝賞舊題名處為躊蹰

除夜

寒燈耿耿漏遲遲送故迎新了不欺往事併隨殘歷日  
春風寧識舊容儀預慙歲酒難先飲更對鄉儺羨小兒  
吟罷明朝贈知己便須題作去年詩

寄鍾謨

看看潘鬢二毛生昨日林梢又轉鶯欲對春風忘世慮  
敢言躑躅酒召時英假中西閣應無事筵上南威幸有情  
不得車公終不樂已教紅袖出門迎

江舍人宅筵上有妓唱和州韓舍人歌辭因以寄  
良宵絲竹偶成歡中有佳人俯翠鬟白雪飄飄傳樂府

阮郎憔悴在人間清風明月長相憶佩蕙紉蘭早晚還  
深夜酒空筵欲散向隅惆悵鬢堪斑

賀殷游二舍人入翰林江給事拜中丞

清晨待漏獨徘徊霄漢懸心不易裁閣老深嚴歸翰苑  
夕郎威望拜霜臺青綾對覆蓬壺晚赤棒前驅道路開  
猶有西垣廳記在莫忘同草紫泥來

送歐陽大監游廬山

家家門外廬山路唯有夫君乞假遊案牘乍拋公署晚  
林泉已近暑天秋海潮盡處逢陶石江月圓時上庾樓  
此去蕭然好長往人閒何事不悠悠

和蕭郎中小雪日作

征西府裏日西斜，獨試新爐自煮茶。  
籬菊盡來低覆水，塞鴻飛去遠連霞。  
寂寥小雪閒中過，斑駁輕霜鬢上加。  
算得流年無柰處，莫將詩句祝蒼華。

寄歙州呂判官

任公郡占好山川，谿水縈迴路屈盤。  
南國自來推勝境，故人此地作郎官。  
風光適意須留戀，祿秩資貧且喜歡。  
莫憶班行重迴首，是非多處是長安。

附池州薛郎中書因寄歙州張負外

新安從事舊臺郎，直氣多才不可忘。  
一旦江山馳別夢，

幾年簪紱共周行政，分出處何方。  
是情共窮通，此義長因附鄰州。  
寄消息，接輿今日信為狂。

寄江都路員外

吾兄失意在東都，聞說襟懷任所如。  
已縱乖慵為傲吏，有何關鍵制豪胥。  
縣齋曉閉多移病，南畝秋荒憶遂初。  
知道故人相憶否，嵇康不得懶修書。

送應之道人歸江西

曾騎竹馬傍洪崖，二十餘年變物華。  
客夢等閒過驛閣，歸帆遙羨指龍沙。  
名題小篆矜垂露，詩作吳吟對綺霞。  
歲暮定知迴未得，信來憑為寄梅花。

送元帥書記高郎中出為婺源建威軍使

寒風蕭瑟楚江南  
記室戎裝挂錦帆  
倚馬未曾妨笑傲  
斬牲先要厲威嚴  
危言昔日嘗無隱  
壯節今來信不凡  
唯有盃盤思上國  
酒醪甜淡菜蔬甘

寄江州蕭給事

夕郎憂國不憂身  
今向天涯作逐臣  
魂夢暗馳龍闕曙  
嘯吟閒繞虎谿春  
朝車載酒過山寺  
諫紙題詩寄野人  
惆悵懦夫何足道  
自離群後已同塵

貶官泰州出城作

浮名浮利信悠悠  
四海干戈痛主憂  
三諫不從為逐客

一身無累似虛舟  
滿朝權貴皆曾忤  
繞郭林泉已徧游  
唯有戀恩終不改  
半程猶是望城樓

得浙西郝判官書未及報聞燕王移鎮京口因寄

此詩問方判官田書記消息

秋風海上久離居  
曾得劉公一紙書  
淡水心情長若此  
銀鈎蹤迹更無如  
嘗憂座側飛鴉鳥  
未暇江中覓鯉魚  
今日京吳建朱邸  
問君誰共曳長裾

九日雨中

茱萸房重雨霏微  
去國逢秋此恨稀  
目極暫登臺上望  
心遙長向夢中歸  
荃蘼路遠愁霜早  
兄弟鄉遙羨鴈飛



唯有多情一枝菊滿盃顏色自依依

還過東都留守周公筵上贈座客

賈生三載在長沙故友相思道路賒已分終年甘寂寞  
豈知今日返京華麟符上相恩偏厚隋苑留歡日欲斜  
明日江頭倍惆悵遠山芳草映殘霞

寄蕭給事

蕭江西  
致仕

危言危行古時人歸向西山臥白雲買宅尚尋徐處士  
殮霞終訪許真君容顏別後應如故詩詠年來更不聞  
今日城中春又至落梅愁緒共紛紛

贈泰州掾令狐克已

文公  
曾孫

念子才多命且奇亂中拋擲少年時深藏七澤衣如雪  
却見中朝鬢似絲舊德在人終遠大扁舟為吏莫推辭  
孤芳自愛凌霜處詠取文公白菊詩

贈浙西顧推官

盛府賓寮八十餘閉門高卧興無如梁王苑裏相逢早  
潤清城中得信疏狼籍杯盤重會面風流才調一如初  
願君百歲猶強健他日相尋隱士廬

迴至瓜洲獻侍中

紫微垣裏舊賓從來向吳門謁府公奉使謬持嚴助節  
登門初識魯王公笙歌隱隱違離後煙水茫茫悵望中

日暮瓜洲江北岸兩行清淚滴西風

送彭秀才

賈生去國已三年短褐間行皖水邊  
盡日野雲生舍下有時京信到門前  
無人與和投湘賦媿子來浮訪戴船  
滿袖新詩好迴去莫隨騷客醉林泉

和集賢鍾郎中

石渠冊府神仙署當用明朝第一人  
腰下別懸新印綬座中皆是故交親  
龍池樹色供清景浴殿香風接近鄰  
從此翻飛應更遠徧尋三十六天春

夢游

魂夢悠揚不奈何夜來還在故人家  
香濛蠟燭時時暗戶映屏風故故斜  
檀的慢調銀字管雲鬟低綴折枝花  
天明又作人間別洞口春深道路賒

全五代詩卷二十八

羅江李調元雨村 編

南唐

徐鉉三

送彭秀才南游

問君孤棹去何之玉筍春風楚水西  
山上斷雲分翠靄林間晴雪入澄溪  
琴心酒趣神相會道士山童手共携  
他日時清更隨計莫如劉阮洞中迷

送龔員外赴江州幕

煩君更上築金臺世難民勞藉俊才  
自有聲名馳羽檄

全五竹詩 卷五  
不妨談笑奉樽罍元規樓迥清風滿匡俗山春畫障開  
莫忘故人離別恨海潮迴處寄書來

送陳先生之洪井寄蕭少卿

聞君仙袂指洪涯我憶情人別路賒知有歡娛游楚澤  
更無書札到京華雲開驛閣連江靜春滿西山倚漢斜  
此處相逢應見問為言搔首望龍沙

和江西蕭少卿見寄

身遙上國三千里名在中朝二十春金印不須辭入幕  
麻衣曾此歎迷津卷舒由我真齊物憂喜忘心即養神  
世路風波自翻覆虛舟無計得沉淪

題紫陽觀

南朝名士富仙才追步東卿遂不迴丹井自深桐暗老  
祠宮長在鶴頻來巖邊桂樹攀仍倚洞口桃花落復開  
惆悵霓裳太平事一函真跡鑠昭臺

贈奚道士含象

先生曾有洞天期猶傍天壇摘紫芝處世自能心混沌  
全真誰見德支離玉霄塵閉人長在金鼎功成俗未知  
他日颺輪謁茅許願同雞犬去相隨

題白鶴廟

平生心事向元關一入仙鄉似舊山白鶴唳空晴眇眇

丹沙流澗暮潺潺嘗嗟多病嫌中藥擬問真經乞小還  
滿洞煙霞五陵亂何峰臺榭是蕭閒

和陳洗馬山莊新泉

已開山館待抽簪更要巖泉欲洗心常被松聲迷細韻  
忽流花片落高岑便疏淺瀨穿荒徑始有清光映竹林  
何日煎茶醞香酒沙邊同聽暝猿吟

奉和七夕應令

今宵星漢共晶光應笑羅敷嫁侍郎斗柄易傾離恨促  
河流不盡後期長靜聞天籟疑鳴佩醉折荷花想豔粧  
誰見宣猷堂上宴一篇清韻振金鐺

又和八日

微雲踈雨淡新秋曉夢依稀十二樓故作別離應有以  
擬延更漏共無由那教人世長多恨未必天仙不解愁  
博望苑中殘酒醒香風佳氣獨遲留

和印先薑及第後獻座主朱舍人郊居之作

成名郊外捨柴扉樹影蟬聲共息機積雨暗封青蘚徑  
好風輕透白練衣嘉魚始賦人爭誦荆玉頻收國自肥  
獨坐公廳正煩暑喜吟新詠見元微

印以南有嘉魚賦及第

和陳贊善致仕還京口

海門山下一漁舟中有高人未白頭已駕安車歸故里

尚通聖籍在龍樓泉聲漱玉窓前落江色和煙檻外流  
今日君臣厚終始不須辛苦畫雙牛

送禮部潘尚書致仕還建安

名遂功成累復輕鱸魚因起舊鄉情履聲初下金華省  
帆影看離石首城化劍洋頭尋故老同心會上問仙卿  
冥鴻高舉真難爭相送河須淚滿纓慢亭亦號同亭

和尉遲贊善病中見寄

仙郎移病暑天過却似冥鴻避爵羅晝夢乍驚風動竹  
夜吟時覺露霑莎情親稍喜貧居近性懶猶嫌上直多  
望苑恩深期勿藥青雲岐路未蹉跎

山路花

不共垂楊映綺寮依山臨路自嬌娆游人過去知香遠  
谷鳥飛來見影搖半隔煙嵐遙隱隱可堪風雨暮蕭蕭  
城中春色累如此幾處笙歌按舞腰

重游木蘭亭

繚繞長隄帶碧潯昔年游此尚青衿蘭橈破浪城陰直  
玉勒穿花苑樹深宦路塵埃成久別仙家風景有誰尋  
那知年長多情後重凭欄干一獨吟

宿蔣帝廟明日遊山南諸寺

便返城闈尚未甘更從山北到山南花枝似雪春雖半

桂魄如眉日始三松蓋遮門寒黯黯柳絲妨路翠氤氳  
登臨莫怪偏留戀游宦多年事事諳

和殷舍人蕭員外春雪

萬里春陰乍履端廣庭風起玉塵乾梅花嶺上連天白  
蕙草堦前特地寒晴去便為經歲別興來何惜徹宵看  
此時鴛侶皆閑暇贈答詩成禁漏殘

寄蘄州高郎中

賈傅棲遲楚澤東蘭皋三度換秋風紛紛世事來無盡  
黯黯離魂去不通直道未能勝社鼠孤飛徒自歎冥鴻  
君若多少思鄉恨併在山城一笛中

正初答鍾郎中見招

高齋遲景雪初晴風拂喬枝待早鶯南省郎官名籍籍  
東鄰妓女字英英流年倏忽成陳事春物依稀舊舊情  
新歲相思自過訪不須虛左遠相迎

病題

性靈慵懶百無能唯被朝參遣夙興聖主優容恩未答  
丹經疎闊病相陵脾傷對客偏愁酒眼暗看書每媿燈  
進與時乖不知退可憐身計謾騰騰

和鍾郎中送朱先輩還京垂寄

分司洗馬無人問辭客殷勤輟棹歌蒼蘚滿庭行徑小

高梧臨檻雨聲多春愁盡付千杯酒鄉思遙聞一曲歌  
且共勝遊消永日西岡風物盡如何

陪王庶子游後湖涵虛閣

懸圃清虛乍過秋看山尋水上茲樓輕鷗的的飛難沒  
紅葉紛紛晚更稠風卷微雲分遠岫浪搖晴日照中州  
躋攀况有承華客如在南皮奉聖遊

贈維揚故人

東京少長認維桑書劍誰教入帝鄉一事無成空放逐  
故人相見重淒涼樓臺寂寞官河晚人物稀疎驛路長  
莫怪臨風惆悵久十年春色憶維揚

和明府見寄

時情世難消吾道薄宦流年厄此身莫歎京華同寂寞  
曾經兵革共漂淪對山開戶唯求靜肯酒留賓不道貧  
善政空多尚淹屈不知誰是解憂民

奉使九華山中塗遇青陽薛郎中

故人相別動相思此地相逢豈素期九子峰前閒未得  
五谿橋上坐多時甘泉從幸余知忝宣室徵還子未遲  
且飲一杯消別恨野花風起漸離披

南都遇前嘉魚劉令言游閩嶺作此與之

我持使節經韶石君作閒游過武夷兩地山光成獨賞



全五代詩 卷五  
隔年鄉思暗相知  
洪崖壇上長岑寂  
孺子亭前自別離  
珍重分岐一杯酒  
強加飡飯數吟詩

廬陵別朱觀先輩

桂籍知名有幾人  
翻飛相續上青雲  
解憐才子寧唯我  
遠作卑官尚見君  
嶺外獨持嚴助節  
宮中誰薦長卿文  
新詩試為重高詠  
朝漢臺前不可聞

文或少卿文山郎  
中文好深至二紀  
已餘暎別數  
年二子長逝奉使嶺  
表塗次南康吊孫氏之孤於  
其家觀文或手書於僧室  
慷慨悲歎留題此詩

孫家虛座吊諸孤  
張叟僧房見手書  
二紀歡游今若此

滿衣零淚欲何如  
腰間金印從如斗  
鏡裏霜華已滿梳  
珍重遠公應笑我  
塵心唯此未能除

送孟賓于員外還新淦

暫來城闕不從容  
却佩銀魚隱玉峰  
雙澗水邊歌醉石  
九仙臺下聽風松  
題詩翠壁稱逋客  
采藥春畦狎老農  
野鶴乘軒雲出岫  
不知何日正相逢

右省僕射相公垂覽和詩復貽長句輒次來韵

西院春歸道思深  
披衣閒聽暝猿吟  
鋪陳政事留黃閣  
偃息神機在素琴  
玉柄暫時疎末座  
瑤華頻復惠清音  
開晴便作東山約  
共賞煙霞放曠心

十日和张少監

重陽高會古平臺吟徧秋光始下來黃菊後期香未減  
新詩捧得眼還開每因佳節知身老却憶前歡似夢迴  
且喜清時屢行樂是非名利盡悠哉

和张少監晚菊

憶共庭蘭倚砌栽柔條輕吹獨依隈自知佳節終堪賞  
為惜流光未忍開采擷也須盈掌握馨香還解滿罇罍  
今朝旬假猶無事更好登臨汎一杯

送馮侍郎

聞君竹馬戲毗陵誰道觀風自六卿今日聲明光舊物

共看旌旆擁書生斬蛟橋下谿煙碧射虎亭邊草路清  
應念筵中倍離恨老來偏重十年兄

送蕭尚書致任歸廬陵

江海分飛二十春重論前事不堪聞主憂臣辱誰非我  
曲突徙薪唯有君金紫滿身皆外物雪霜垂領更離群  
鶴歸華表望不盡玉筍山頭多白雲

奉和子龍大監與舍弟贈荅之什

江梁東觀兩優賢明主知臣豈偶然鴛鴦分行皆接武  
金蘭同好共忘年懷恩未遂林泉約竊位空慙組綬懸  
多少深情知不盡好音相慰強成篇

奉和御製茱萸

臺畔西風御果新，芳香精彩麗蕭辰。  
柔條細葉粧治好，紫蒂紅芳點綴勻。  
幾朵得陪天上宴，千株長作洞中春。  
今朝聖藻偏流詠，黃菊無由更敢鄰。

送德邁道人之豫章

禪靈橋畔落殘花，橋上離情對日斜。  
傾我乘軒慙組綬，羨師飛錫指煙霞。  
樓中西嶺真君宅，門外南州處士家。  
莫道空談便無事，碧雲詩思更無涯。

奉和官傳相公懷舊見寄四十韵

謝傅功成德望全，鸞臺初下正蕭然。  
搏風乍息三千里，感舊重懷四十年。  
西掖新官同賈馬，南朝興運似開天。  
文辭職業分工拙，流輩班資讓後先。  
每愧陋容勞刺畫，長慚頑石費彫鐫。  
晨趨綸掖吟春永，夕會精廬待月圓。  
立馬有時同草詔，聯鑣幾處共成篇。  
閒歌柳葉翻新曲，醉詠桃花促綺筵。  
少壯况逢時世好，經過寧慮歲華遷。  
雲龍得路須騰躍，社櫟非材合棄捐。  
再謁湘江猶是幸，兩還宮室竟何緣。  
已知瑕玷勞磨瑩，又得官司重接連。  
聽漏分宵趨建禮，從遊同召赴甘泉。  
雲開閭闔分臺殿，風過華林度管絃。  
行止不離宮仗影，衣裾嘗惹御爐煙。  
師資稷契論中禮，依止山公典小銓。  
多謝天波垂赤管

全五什詩 卷五  
敢教晨景過華塲，翺飛附驥方經遠。巨楫垂風逐濟川，  
玉燭調時鈞軸正。台階平處德星懸，巖廊禮絕威容肅。  
布素情深友愛偏，長擬營巢安大厦。忽驚操鉞領中權，  
吳門日麗龍銜節。京口沙晴鷁畫船，蓋代名高方赫赫。  
戀恩心切更乾乾，哀安辭氣忠仍慤。吳漢精誠直且專，  
却許邱明師紀傳。更容疎廣奉周旋，朱門自得施行馬。  
厚祿何妨食萬錢，密疏尚應勞獻替。清談唯見論空元，  
東山妓樂供閒步。北牖風涼足晏眠，元武湖邊林隱見。  
五城橋下棹洄沿，曾移苑樹開紅藥。新鑿家池種白蓮，  
不遣前騎妨野逸。別尋逋客互招延，棋枰寂靜陳虛閣。

詩筆沉吟劈彩牋，往車偶來春夢裏。閒愁因動落花前，  
青雲舊侶嗟誰在。白首親情倍見憐，盡日凝思殊悵望。  
一章追敘信精研，韶顏莫與年爭競。世慮須憑道節宣，  
幸喜書生為將相。定由陰德致神仙，羊公剝有登臨興。  
尚子都無嫁娶牽，退象天山鎮浮競。起為霖雨潤原田，  
從容自保君臣契。何必扁舟始是賢。

觀人讀春秋

日覺儒風薄，誰將霸道羞。亂臣無所懼，何用讀春秋。

天關山絕句

散誕愛山客，淒涼懷古心。寒風天關晚，盡日倚軒吟。

行園樹

松節凌霜久蓬根逐吹頻羣生各有性桃李但爭春

題雷公井

檜靄愚公谷蕭寥羽客家俗人知處所應為有桃花

離歌辭五首

莫折紅芳樹但知盡意看狂風幸無意那忍折教殘  
朝日城南路旌旗出綠蕪使君何處去桑下覓羅敷  
事與年俱往情將分共深莫驚容鬢改只是舊時心  
曾別勞相送佳期願莫違朱顏不須老留取待郎歸  
柳匣收珠佩迴燈孤薄粧莫嫌春夜短匹似楚襄王

清明日清遠峽作

嶺外春過半塗中火又新殷勤清遠峽留戀北歸人

自題山亭三首

簪組非無累園林未是歸世喧長不到何必故山薇  
小舫行乘月高齋卧看山退公聊自足爭敢望長閒  
跋石仍臨水披襟復挂冠機心忘未得碁局與魚竿

竹以下五首北苑侍宴雜咏

勁節生宮苑虛心奉豫遊自然名價重不羨渭川侯

松

細韻風中遠寒青雪後濃繁陰堪避雨効用待東風

水

碧草垂低岸東風起細波橫冷從遊宴何謝到天河

風

昨朝纔解凍今日又開花帝力無人識誰知玩物華

菊

細鹿披金彩氛氲散遠馨汎杯頻奉賜絲解制顏齡

景陽臺懷古

後主亡家不悔江南異代長春今日景陽臺上聞人何  
用傷神

春夜月

幽人春望本多情况是花繁月正明竟夕無言亦無寐  
繞階芳草影隨行

走筆送義興令趙宣輔

聞君孤棹汎荆谿隴首雲隨別恨飛杜牧舊居憑買取  
他年藜杖願同歸

九月十一日寄陳郎中

我多吏事君多病寂絕過從又幾人前日龍山煙景好  
風前落帽是何人

立秋後一日與朱舍人同直

一宿秋風未覺涼數聲宮漏日猶長林泉無計消殘暑

虛向華池費稻梁

游方山宿李道士房

從來未面李先生借我西窓卧月明二十三家同願識  
素驪何日暫還城

柳枝辭十二首

把酒憑君唱柳枝也從絲管遞相隨逢春只合朝朝醉  
記取秋風落葉時

南園日暮起春風吹散楊花雪滿空不惜楊花飛也得  
愁君老盡臉邊紅

陌上朱門柳映花簾鉤半捲綠陰斜憑郎暫駐青驄馬

北是錢塘小小家

夾岸朱欄柳映樓綠波平漫帶花流歌聲不出長條密  
忽池風迴見綵舟

老大逢春總恨春綠楊陰裏最愁人舊游一別無因見  
嫩葉如眉處處新

濛濛堤畔柳含煙疑易陽和二月天醉裏不知時節改  
漫隨兒女打鞦韆

水閣春來乍減寒曉粧初罷倚欄干長條亂拂春波動  
不許佳人照影看

柳岸煙昏醉裏歸不知深處有芳菲重來已見花飄盡

唯有黃鸝嘯樹飛  
 此去仙源不是遙  
 垂楊深處有未橋  
 共君同過朱橋去  
 密映垂楊聽洞簫  
 暫別揚州十度春  
 不知光景屬何人  
 一帆歸客千條柳  
 腸斷東風楊子津  
 仙樂春來索舞腰  
 清聲偏似傍嬌嬈  
 應緣綠鸞舌多情  
 賴長向雙成說翠條  
 鳳笙臨檻不能吹  
 舞袖當筵亦自疑  
 唯有美人多意緒  
 解依芳態畫雙眉

經東都太子橋

綸闈放逐知何道  
 桂苑風流且暫歸  
 莫問升仙橋上客  
 身謀踈拙舊心違

送客至城西望圖山因寄浙西府中

枚叟鄒生笑語同  
 莫嗟江上聽秋風  
 君看逐客思鄉處  
 只在圖山更向東

送寫真成處士入京

傳神蹤迹本來高  
 澤畔形容媿彩毫  
 京邑功臣多佇望  
 凌煙閣上莫辭勞

附書與鍾郎中因寄京妓越賓

暮春橋下手封書  
海陵橋名寄向南江問越姑  
 不道諸郎少



歡笑經年相別憶農無

留題仙觀

瑤壇醮罷晚雲開羽客分飛俗士迴為報移文不須勒  
未曾游處待重來

奉命南使經彭澤

值王明府不在留此

遠使程途未一分離心常要醉醺醺那堪彭澤門前立  
黃菊蕭疎不見君

閣阜山

巖影高低雲掩映松陰綠繞步徘徊從今莫厭簪裾累  
不足乘輶不得來

朱處士相與有山水之願見送至南康作此以別之

憐君送我至南康更憶梅花庾嶺芳多少仙山共遊在  
願君百歲尚康強

和賈員外戲見贈玉蕊花栽

瓊瑤一簇帶花來便斲蒼苔手自栽喜見唐昌舊顏色  
為君判病酌金壘

和陳表用員外求酒

暑天頻雨亦頻晴簾外閒雲重復輕珍重一壺酬絕唱  
向風遙想醉吟聲

全唐詩話 卷五  
納后侍宴三絕

時平物茂歲功成  
重翟排雲到玉京  
四海未知春色至  
今宵先入九重城

銀燭金爐禁漏移  
月輪初照萬年枝  
造舟已似文王事  
卜世應同八百期

漢主承乾帝道光  
天家花燭宴昭陽  
六衣盛禮如金屋  
彩筆分題似柏梁

柳枝辭十首

座中  
應制

金馬辭臣賦小詩  
梨園弟子唱新詞  
君恩還似東風意  
先入靈和蜀柳枝

百草千花共待春  
綠楊顏色最驚人  
天邊雨露年年任  
上苑芳華歲歲新

長愛龍池二月時  
毵毵金線弄春姿  
假饒葉落枝空後  
更有梨園笛裏吹

綠水成文柳帶搖  
東風初到不鳴條  
龍舟欲過偏留戀  
萬縷輕絲拂御橋

百尺長條宛麴塵  
詩題不盡畫難真  
憑君折向人間種  
還似君恩處處春

風煖雲開晚照明  
翠條深映鳳凰城  
人間欲識靈和態  
聽取新詞玉管聲

醉折垂楊唱柳枝  
金城三月走金羈  
年年為愛新條好  
不覺蒼華也似絲

新春花柳競芳姿  
偏愛垂楊拂地枝  
天子徧教詞客賦  
宮中要唱洞簫詞

凝碧池頭蘸翠漣  
鳳凰樓畔簇晴煙  
新詞欲詠知難詠  
說與雙成入管弦

侍從甘泉與未央  
移舟偏要近垂楊  
櫻桃未綻梅花老  
折得柔條百尺長

寄題毗陵驛

曾持使節駐毗陵  
長與川人有舊情  
為向驛橋風月道

舍人髭鬢白千莖

春盡日游後湖贈劉起居

劉時方  
燒藥

今朝湖上送春歸  
萬頃澄波照白髭  
笑折殘花勸君酒  
金丹成熟是何時

送察院李侍御使廬陵因寄孟員外

繡衣乘驛急如星  
山水何妨寄野情  
肯向九霄臺下歇  
閒聽孟叟醉吟聲

聽霓裳羽衣曲送陳君

清商一曲遠人行  
桃葉津頭月正明  
此是開元太平曲  
莫教偏作別離聲

...

...

...

...



